

ხელშეკრულება
სახელმწიფო შესყიდვების შესახებ N 01-03-62

ქ. თბილისი

3 მაისი 2019 წელი

შემსყიდველი: სსიპ – მასწავლებელთა პროფესიული განვითარების ეროვნული ცენტრი, წარმოდგენილი ცენტრის დირექტორის ბერიკა შუკავიძის სახით;

მისამართი: ქ. თბილისი, გმირი კურსანტების ქ. №4;

საიდენტიფიკაციო კოდი: 202374251;

საბანკო რეკვიზიტები: სახელმწიფო ხაზინა, კოდი: TRESGE22, ა/ა: GE24 NB03 3010 0200 1650 22.

მიმწოდებელი: შპს „სიმპათია“, წარმოდგენილი მისი დირექტორის მინდობილი პირის ილია გეთაშვილის სახით;

იურიდიული მისამართი: ქ. თბილისი, ალ. ყაზბეგის ქ. N 4;

ფაქტიური მისამართი: ქ. თბილისი, ვ. დარასელიას ქ. N 4 (გაგარინის I შესახვევი);

საიდენტიფიკაციო კოდი: 404967764;

საბანკო რეკვიზიტები: სს „ხალივ ბანკი საქართველო“, ბანკის კოდი: HABGGE 22, ა/ა:

GE42HB0000000004003602.

ერთი მხრივ შემსყიდველი და მეორე მხრივ მიმწოდებელი, ჩატარებული ელექტრონული ტენდერის (სატენდერო განცხადების ნომერი N-NAT190006607) გათვალისწინებით, დებენ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტება

1.1. ხელშეკრულება სახელმწიფო შესყიდვის შესახებ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით;

1.2. ვალდებულების არაჯეროვანი შესრულება – ვალდებულების ხელშეკრულების პირობებთან შეუსაბამოდ, არასრულად, უხარისხოდ შესრულება.

1.3. ხელშეკრულებით ნაკისრი ვალდებულების შესრულების ვადების გადაცდენა – მხარის მიერ ნაკისრი ვალდებულების ხელშეკრულებით განსაზღვრულ ვადაში შეუსრულებლობა.

მუხლი 2. ხელშეკრულების საგანი

ხელშეკრულების საგანია სსიპ - მასწავლებელთა პროფესიული განვითარების ეროვნული ცენტრის „ინკლუზიური განათლების მხარდაჭერისათვის ადამიანური რესურსების განვითარება“ პროგრამის ფარგლებში „რეგიონული სასწავლო ტური სპეციალური მასწავლებლებისთვის“, სასტუმრო-საკონფერენციო მომსახურების შესყიდვა, რომელიც მოიცავს მონაწილეთა სასტუმროში დაბინავებას, შეხვედრების, კონფერენციების ორგანიზების მომსახურებას, კვებას და ტრანსპორტირებას (CPV 55110000 - სასტუმროში დაბინავების მომსახურება; 55120000 - სასტუმროში შეხვედრებისა და კონფერენციების ორგანიზების მომსახურება; 55130000 - სასტუმროსთან დაკავშირებული სხვა მომსახურებები).

მუხლი 3. ხელშეკრულების ღირებულება

3.1. შესასყიდი ობიექტის ფასი განისაზღვრება ეროვნულ ვალუტაში;

3.2. შესასყიდი მომსახურების ღირებულება (შემდგომში „ხელშეკრულების ღირებულება“) შეადგენს 22797.60 (ოცდაორიათას შვიდასოთხმოცდაჩვიდმეტი ლარი და 60 თეთრი) ლარს დღგ -ს ჩათვლით;

3.3 გასაწევი მომსახურების დასახელება, რაოდენობა და ერთეულის ფასი მოცემულია დანართ N 1-ში;

3.4 დაფინანსების წყარო: სსიპ – მასწავლებელთა პროფესიული განვითარების ეროვნული ცენტრის ინკლუზიური განათლების ხელშეწყობის პროგრამა. (პროგრამული კოდი 32 06 04).

მუხლი 4. შესასყიდი ობიექტის ხარისხი

- 4.1 მიმწოდებელი პასუხისმგებლობას კისრულობს, რომ გაწეული მომსახურება შეესაბამება ყველა მოქმედ სტანდარტებს და ნორმებს;
- 4.2 მიმწოდებელი აცხადებს, რომ გაწეული მომსახურება იქნება უნაკლო.
- 4.3 გასაწევი მომსახურების მახასიათებლები და ტექნიკური აღწერილობა:

1. სასტუმროში მონაწილეთა დაბინავება უნდა განხორციელდეს შემდეგნაირად:

- 1) 30 (ოცდაათი) მონაწილე უნდა განთავსდეს არაუმეტეს 2 (ორი) ადგილიან ნომრებში;
- 2) ოთახებში უნდა იყოს ინდივიდუალური საწოლები (გასაშლელი საწოლები არ განიხილება) და ინდივიდუალური სველი წერტილები, ცივი და ცხელი წყალი, გათბობა და კონდიცირება (24 საათი), ინტერნეტის მუდმივი მომსახურება, როგორც ყველა ოთახში, ასევე საკონფერენციო ოთახში. ნომრები უზრუნველყოფილი უნდა იყოს სასმელი წყლით ბოთლებში: სასტუმროს 1 (ერთი) ბინადარზე არანაკლებ 1 (ერთი) ლიტრი. სასტუმროს პერსონალმა უნდა უზრუნველყოს სტუმრების ტვირთის მათ კუთვნილ ოთახებამდე და ნომრიდან სატრანსპორტო საშუალებამდე მიტანა, ასევე მისი შემდგომი უსაფრთხოება;
- 3) ინტერნეტის მუდმივი მომსახურება - Wi-Fi ქსელი, როგორც ყველა ოთახში, ასევე სამუშაო, შეხვედრების, სატრენინგო და საკონფერენციო ოთახებში.

2. სასტუმროში შეხვედრების და კონფერენციების ორგანიზების მომსახურება (სატრენინგო ფართის დაქირავება):

- 1) 1 (ერთი) საკონფერენციო დარბაზი 6 (ექვსი) დღე 50 (ორმოცდაათი) მონაწილეზე; საკონფერენციო დარბაზში უნდა იყოს მონაწილეთათვის:
- 2) პროექტორი და პროექტორის დაფა;
- 3) ლეპტოპი / კომპიუტერი;
- 4) ეკრანი და ინტერნეტი;
- 5) მინიმუმ 1 (ერთი) შეკვრა A4 ფორმატის საბეჭდი ქაღალდი;
- 6) ფერადი სტიკერები, ფლომასტერების შეკვრა;
- 7) ფლიპ ჩარტის დაფა 1 (ერთი) ცალი;
- 8) ფლიპ- ჩარტის ქაღალდი (მინიმუმ 20 ფურცლიანი შეკვრა) -1 ცალი;
- 9) დაფის მარკერი - 9 (ცხრა ცალი შავი, ლურჯი წითელი)
- 10) ტრენინგის მონაწილეები უზრუნველყოფილნი უნდა იყვნენ ერთი ლიტრი (ბოთლით) წყლით/მინერალური წყალით (თითო პერსონა) და მრავალჯერადი გამოყენების ჭიქებით.
- 11) საკონფერენციო დარბაზში უნდა იყოს გამართული გათბობა/გაგრილების სისტემა. საკონფერენციო დარბაზი არ უნდა იყოს სარდაფში ან ნახევრად სარდაფში. უნდა ჰქონდეს დღის ბუნებრივი განათება (უფანჯრო ოთახები არ განიხილება) და უნდა ნიავდებოდეს;
- 12) თუ სტუმრებს ოთახებამდე გასავლელი აქვთ ერთ სართულზე მეტი, მაშინ სასტუმროში უნდა იყოს ლიფტი.

3. სასტუმროში კვებასთან და ყავა-ჩაის შესვენებასთან დაკავშირებული მომსახურება:

კვებითი მომსახურება მოიცავს სამჯერად კვებას და ყავა/ჩაის შესვენებას. შემოთავაზებული მენიუ უნდა იყოს მდიდარი რაციონის და იცვლებოდეს პერიოდულად. მენიუ უნდა მოიცავდეს ვეგეტარიანულ, ასევე სამარხვო და არასამარხვო კერძებს, ამასთან მენიუ უნდა შეიცავდეს:

საუზმე:

- 1) ცხელი კერძი (1 სახეობის);
- 2) გარნირი (1 სახეობის);
- 3) რძის ნაწარმი (3 სახეობის);
- 4) ძეხვეულის ასორტი;
- 5) პურ-ფუნთუშეული (2 სახეობის);
- 6) ნამცხვარი (არანაკლებ 2 სახეობის: 1(ერთი) სახეობის კრემიანი და 1(ერთი) სახეობის არაკრემიანი (პეჩენია არ განიხილება);
- 7) სასმელი (ყავა, ჩაი, გამაგრილებელი სასმელი (ჩაი და ყავა უნდა იყოს შეუზღუდავი რაოდენობით).
- 8) მურაბა, ჯემი, ლიმონი.

სადილი:

- 1) ცხელი კერძი (2 სახეობის);
- 2) წვნიანი (არანაკლებ 1 სახეობის);
- 3) გარნირი;
- 4) ცომეული (2 სახეობის);
- 5) რძის ნაწარმი (2 სახეობის);
- 6) სალათი (2 სახეობის);
- 7) სასმელი: (ყავა, ჩაი, გამაგრილებელი სასმელი (ჩაი და ყავა უნდა იყოს შეუზღუდავი რაოდენობით).
- 8) ხილის ასორტი (სეზონური).

ვახშამი:

- 1) ცხელი კერძი (2 სახეობის);
- 2) გარნირი (2 სახეობის);
- 3) ძეხვეულია ასორტი;
- 4) სალათი (2 სახეობის);
- 5) რძის ნაწარმი (2 სახეობის);
- 6) ნამცხვარი (არანაკლებ 2 სახეობის: 1(ერთი) სახეობის კრემიანი და 1(ერთი) სახეობის არაკრემიანი (პეჩენია არ განიხილება);
- 7) მურაბა, ჯემი;
- 8) ცომეული (2 სახეობის);
- 9) სასმელი (ყავა, ჩაი, გამაგრილებელი სასმელი, ნატურალური წვენი, მინერალური სასმელი (ჩაი და ყავა უნდა იყოს შეუზღუდავი რაოდენობით).

ყავა-ჩაის შესვენება 12-17 მაისი

- 1) ხსნადი ყავა, რძე, ერთჯერადი ჩაი (შავი, მწვანე), შაქარი (შეუზღუდავი რაოდენობით);
- 2) ნამცხვარი (3 სახეობის 1(ერთი) სახეობის კრემიანი და 2 (ორი) სახეობის არაკრემიანი (პეჩენია არ განიხილება);
- 3) წვენი, ლიმონი.

ყავა/ჩაის შესვენებით სტუმრებმა უნდა ისარგებლონ საკონფერენციო დარბაზში.

შენიშვნა: სასადილო ოთახში უნდა იყოს გამართული გათბობა/გაფრილების სისტემა. კვებითი მომსახურების ზუსტი დრო დამატებით უნდა შეთანხმდეს შემსყიდველთან.

4. ტრანსპორტირება:

ტრანსპორტირება უნდა განხორციელდეს სასტუმროდან მასპინძელ სკოლებში 2019 წლის 13,14,15,16,17 მაისს 08:30-09:30 საათამდე და სკოლებიდან სასტუმროში 14:30- 15:30 სთ-მდე;

სკოლების ჩამონათვალი;

1. სსიპ - ქალაქ თბილისის №60 საჯარო სკოლა ვაკე-საბურთალო, ალ. ყაზბეგის გამზ. №39;
2. სსიპ - ქალაქ თბილისის №84 საჯარო სკოლა ძველი თბილისი, წურწუმიას ქ.№ 17;
3. სსიპ - ქალაქ თბილისის №108 საჯარო სკოლა ისანი-სამგორი, შუამთის ქ. №20;
4. სსიპ - ქალაქ თბილისის №130 საჯარო სკოლა დიდუბე-ჩუღურეთი, დიღმის მას. IV კვ;
5. სსიპ - ქალაქ თბილისის №198 საჯარო სკოლა ვაკე -საბურთალო, შარტავას ქ.№20;
6. სსიპ - ვაჟა-ფშაველას სახელობის ქალაქ თბილისის №87 საჯარო სკოლა ისანი-სამგორი, ქეთევან წამებულის ქ. №90-ა;
7. სსიპ - ქალაქ თბილისის №67 საჯარო სკოლა ძველი თბილისი, ლესელიძის ქ.№25;
8. სსიპ - ქალაქ თბილისის №45 საჯარო სკოლა გლდანი-ნაძალადევი, დავით სარაჯიშვილის ქ. N 25.

შენიშვნა: ტრანსპორტირება უნდა განხორციელდეს მსუბუქი ავტომობილით ან მინივენით, ტრანსპორტირების დროს დაცული უნდა იყოს უსაფრთხოების ყველა ნორმა.

მგზავრების ტრანსპორტირების ტერიტორიის ან დროის ცვლილების შემთხვევაშიმიმწოდებელს ეცნობება წინასწარ.

მუხლი 5. მომსახურების გაწევის ვადები და ადგილი

- 5.1 მომსახურების გაწევა განხორციელდება: 2019 წლის 12-18 მაისი (6 ღამე);
- 5.2 მომსახურების გაწევის ადგილი: ქ. თბილისი, ვ. დარასელიას ქ. N 4 (გაგარინის I შესახვევი);

მუხლი 6. შესასყიდი ობიექტის მიღება-ჩაბარების წესი

- 6.1 შესასყიდი ობიექტის მიღება ფორმდება შემსყიდველისა და მიმწოდებლის უფლებამოსილი წარმომადგენლების მიერ ხელმოწერილი მიღება-ჩაბარების აქტის საფუძველზე, რაც ასევე ადასტურებს მიმწოდებლის მიერ ნაკისრი ვალდებულებების შესრულებას;
- 6.2 შესყიდვის ობიექტის მიღება-ჩაბარება განხორციელდება შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით;
- 6.3 მიღება-ჩაბარების აქტზე ხელმოწერის უფლებამოსილება ერიჭება სსიპ - მასწავლებელთა პროფესიული განვითარების ეროვნული ცენტრის ინკლუზიური განათლების ხელშეწყობის პროგრამის კოორდინატორს თეონა ხოსიტაშვილი, მიღება-ჩაბარების აქტის გაფორმების საფუძველია ინსპექტირების განმახორციელებელი პირის დასკვნა.

მუხლი 7. ანგარიშსწორება

- 7.1 ანგარიშსწორება განხორციელდება მიღება-ჩაბარების აქტის გაფორმებიდან არა უგვიანეს 10 (ათი) სამუშაო დღისა;
- 7.2 ანაზღაურება მიმწოდებელთან განხორციელდება უნაღდო ანგარიშსწორების ფორმით, ეროვნულ ვალუტაში;

7.3 საავანსო ანგარიშსწორება არ გამოიყენება.

მუხლი 8. მხარეთა უფლება-მოვალეობანი

8.1 შემსყიდველი ვალდებულია:

- 8.1.1 ხელშეკრულებით გათვალისწინებული პირობების შესაბამისად, აუნაზღაუროს მიმწოდებელს გაწეული მომსახურების ღირებულება;
- 8.1.2 აუნაზღაუროს მიმწოდებელს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით.

8.2 შემსყიდველს უფლება აქვს:

- 8.2.1 შეამოწმოს გაწეული მომსახურების შესაბამისობა ხელშეკრულებით გათვალისწინებულ პირობებთან. განახორციელოს კონტროლი და ზედამხედველობა მიმწოდებლი მიერ ხელშეკრულების პირობების დაცვაზე;
- 8.2.2 მოითხოვოს იმ ზიანის ანაზღაურება, რაც გამოწვეულია მიმწოდებლის მიერ ამ ხელშეკრულებით ნაკისრი ვალდებულებების შეუსრულებლობით ან არაჯეროვანი შესრულებით;
- 8.2.3 მოსთხოვოს მიმწოდებელს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება;

8.3 მიმწოდებელი ვალდებულია:

- 8.3.1 დაიცვას ხელშეკრულებით გათვალისწინებული ყველა პირობა;
- 8.3.2 კვალიფიციურად გაუწიოს შემსყიდველს ამ ხელშეკრულების მე-2 მუხლში აღნიშნული მომსახურება;
- 8.3.3 ხელშეკრულებით გათვალისწინებული მომსახურების გაწევისას აცნობოს შემსყიდველს ყველა განსაკუთრებული გარემოების შესახებ;
- 8.3.4 აუნაზღაუროს შემსყიდველს ის ზიანი, რაც გამოწვეულია მის მიერ ნაკისრი ვალდებულებების შეუსრულებლობით ან არაჯეროვანი შესრულებით;
- 8.3.5 საკუთარი ხარჯებით გამოასწოროს გამოვლენილი ნაკლი;
- 8.3.6 წარუდგინოს შემსყიდველს გაწეულ მომსახურებასთან დაკავშირებული სრული დოკუმენტაცია.

8.4 მიმწოდებელს უფლება აქვს:

- 8.4.1 წარუდგინოს შემსყიდველს ფაქტიურად გაწეულ მომსახურებასთან დაკავშირებული სრული დოკუმენტაცია, რომელსაც ხელი მოეწერება მიმწოდებლის მიერ შემსყიდველის მიერ ხარისხობრივი შემოწმების შემდეგ და მოითხოვოს გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;
- 8.4.2 მოსთხოვოს შემსყიდველს გაწეული მომსახურების ღირებულების ანაზღაურება ხელშეკრულებით გათვალისწინებული პირობებით;
- 8.4.3 მოსთხოვოს შემსყიდველს ამ ხელშეკრულებით ნაკისრი ვალდებულებების სრული, ჯეროვანი, დროული და კეთილსინდისიერი შესრულება.

მუხლი 9. ხელშეკრულების პირობების შეუსრულებლობა

- 9.1. ხელშეკრულებით ნაკისრი ვალდებულებების შესრულების ვადების გადაცდენის შემთხვევაში ყოველი დაგვიანებული დღისათვის მხარეს ეკისრება პირგასამტებლო შეუსრულებელი ვალდებულების ღირებულების 0.05 % -ის ოდენობით;
- 9.2. მიმწოდებლის მიერ ხელსეკრულების არაჯეროვანი შესრულების შემთხვევაში მხარეს ეკისრება პირგასამტებლო ხელშეკრულების ღირებულების 10 (ათი) % -ის ოდენობით;
- 9.3. იმ შემთხვევაში, თუ ვადების გადაცდენისათვის დაკისრებული პირგასამტებლოს ჯამური მოცულობა გადააჭარბებს ხელშეკრულების საერთო ღირებულების 5(ხუთი)%-ს, შემსყიდველს უფლება აქვს ცალმხრივად შეწყვიტოს ხელშეკრულება;
- 9.4. საჯარიმო სანქციის გადახდა არ ათავისუფლებს მიმწოდებელს მირითადი ვალდებულებების შესრულებისაგან.

მუხლი 10. ხელშეკრულების ინსპექტირების პირობები

- 10.1 შემსყიდველს ან მის წარმომადგენელს უფლება აქვთ ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე და განახორციელოს მომსახურების ხარისხის პერიოდული ინსპექტირება;
- 10.2 მიმწოდებელი ვალდებულია საკუთარი რესურსებით უზრუნველყოს შემსყიდველის მიერ ინსპექტირების ჩატარებისათვის ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის (ინსპექტირების) მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს შემსყიდველი;
- 10.3 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა;
- 10.4 ხელშეკრულებით განსაზღვრული პირობების კონტროლს განახორციელებს სსიპ - მასწავლებელთა პროფესიული განვითარების ეროვნული ცენტრის ინკუსტიური განათლების ხელშეწყობის პროგრამის მენეჯერი სალომე ჩარკვიანი, რომელიც წერს დასკვნას ხელშეკრულების პირობებთან შესყიდვის საგნის შესაბამისობის შესახებ.

მუხლი 11. ხელშეკრულების შეწყვეტა

- 11.1 ხელშეკრულების დამდები ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ;
- 11.2 ხელშეკრულების დამდები მხარე, რომელიც მიიღებს ასეთ გადაწყვეტილებას ვალდებულია შეატყობინოს მეორე მხარეს მიღებული გადაწყვეტილება და მისი მიღების საფუძველი.
- 11.3 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან;
- 11.4 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
- 11.4.1 თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;
- 11.4.2 მიმწოდებლის გაკოტრების შემთხვევაში;
- 11.4.3 საქართველოს კანონმდებლობით გათვალისწინებულ სხვა შემთხვევებში.
- 11.5 ამ მუხლის 11.4 პუნქტში მითითებულ შემთხვევებში შემსყიდველი ვალდებულია აუნაზღაუროს მიმწოდებელს ფაქტიურად გაწეული მომსახურების ღირებულება.

მუხლი 12. ხელშეკრულების პირობების გადასინჯვა

- 12.1 მხარეები უფლებამოსილნი არიან მოახდინონ ხელშეკრულების პირობების გადასინჯვა და ცვლილება შეიტანონ მოქმედ ხელშეკრულებაში;
- 12.2 ხელშეკრულებაში ცვლილების შეტანის ინიციატორმა მხარემ წერილობითი სახით უნდა აცნობოს მეორე მხარეს შესაბამისი დასაბუთებული ინფორმაცია;
- 12.3 დაუშვებელია ხელშეკრულებაში იმგვარი ცვლილების შეტანა, რომლითაც უარესდება ხელშეკრულების პირობები შემსყიდველი ორგანიზაციისათვის ან იზრდება ხელშეკრულების ღირებულება, გარდა საქართველოს სამოქალაქო კოდექსის 398-ე მუხლით, „სახელმწიფო შესყიდვების შესახებ“ საქართველოს კანონის და „ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2017წლის 14 ივნისის №12 ბრძანებით დამტკიცებული წესით გათვალისწინებული შემთხვევებისა;
- 12.4 ხელშეკრულების პირობების ნებისმიერი ცვლილება უნდა გაფორმდეს შეთახმების სახით, რომელიც ჩაითვლება ხელშეკრულების განუყოფელ ნაწილად.

მუხლი 13. ფორსმაჟორი.

- 13.1 მხარეები არ აგებენ პასუხს ხელშეკრულებით გათვალისწინებული ვალდებულების მთლიანად ან ნაწილობრივ შეუსრულებლობისათვის, თუ ეს გამოწვეულია ფორსმაჟორული გარემოების დადგომის გამო და თუ ეს დაიწყო ან განვითარდა ხელშეკრულების დადების შემდეგ;
- 13.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით, ემბარგოს დაწესებით, დაფინანსების მკვეთრი შემცირებით და სხვა;
- 13.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებები შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

მუხლი 14. ხელშეკრულების მოქმედების ვადა

ხელშეკრულების მოქმედების ვადა განისაზღვრება ხელშეკრულების ხელისმოწერის დღიდან და ძალაშია 2019 წლის 31 აგვისტოს ჩათვლით.

მუხლი 15. დავები და მათი გადაწყვეტის წესი

- 15.1 წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკების საფუძველზე;
- 15.2 თუ შემსყიდველი და მიმწოდებელი მოლაპარაკების დაწყებიდან 10 (ათი) დღის განმავლობაში ვერ შეძლებენ შეთანხმების საფუძველზე გადაწყვიტონ დავა, მაშინ ნებისმიერ მხარეს შეუძლია მიმართოს სასამართლოს მოქმედი კანონმდებლობით დადგენილი წესით.

მუხლი 16. სხვა პირობები

- 16.1 ამ ხელშეკრულებით გაუთვალისწინებელი პირობები რეგულირდება საქართველოს მოქმედი კანონმდებლობით;
- 16.2 არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;
- 16.3 მესამე პირთან (პირებთან) ურთიერთობაში მხარეები მოქმედებენ თავიანთი სახელით, ხარჯებითა და რისკით;
- 16.4 წინამდებარე ხელშეკრულების რომელიმე პუნქტის ბათილად ცნობა არ იწვევს მთელი ხელშეკრულების ან მისი სხვა პუნქტების ბათილობას;
- 16.5 წინამდებარე ხელშეკრულება არ შეიცავს არანაირ სიტყვიერ დამატებას;
- 16.6 დანართები წარმოადგენენ ამ ხელშეკრულების შემადგენელ, განუყოფელ ნაწილს და მოქმედებენ მხოლოდ მასთან ერთად;
- 16.7 მხარეებს შორის ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე;
- 16.8 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც იგი წერილობითი ფორმითაა შედგენილი და ხელმოწერილია მხარეთა მიერ;

16.9 ხელშეკრულება შედგენილია ელექტრონულად, მხარეების მიერ გამოყენებულია ელექტრონული ხელისმოწერა ან შტამპი;

16.10 გამარჯვებული პრეტენდენტის სატენდერო წინადადება და დანართები თან ერთვის წინამდებარე ხელშეკრულებას და წარმოადგინს მის შემადგენლ ნაწილს;

16.11 ყოველივე ზემოაღნიშნულის დასადასტურებლად, სათანადო უფლებამოსილებით აღჭურვილმა ქვემოთ აღნიშნულმა პირებმა ხელი მოაწერეს წინამდებარე ხელშეკრულებას.

მუხლი 17. მხარეთა ხელმოწერები

შემსყიდველი:

მიმწოდებელი:

სსიპ – მასწავლებელთა პროფესიული

შპს „სიმპათია“

განვითარების ეროვნული ცენტრი

ბერივა შუკავიძე

დირექტორი

ବିଜ୍ଞାନ ପରିଚୟ

დირექტორის მინდობილი პირი



Nº	გასაწევი მომსახურების დასახელება	რაოდენობა	დღეების/დამეების რაოდენობა	ერთეულის ფასი	საერთო ფასი
1	სასტუმროს ნომრით მომსახურება, 2018 წლის 22-25 მარტი				
1.1	ორადგილიანი ნომერი	30	6	59	10620
				ჯამი:	10620
2	საკონფერენციო, სატრენინგო და სამუშაო ოთახის დაქირავება				
2.1	საკონფერენციო დარბაზი	1	6	177	1062
				ჯამი:	1062
3	კვებითი მომსახურება				
3.1	საუზმე	30	6	9.44	1699.2
3.2	სადილი	30	6	20.06	3610.8
3.3	ვახშამი	30	6	14.16	2548.8
3.4	ყავის შესვენება	30	6	9.44	1699.2
				ჯამი:	9558
4	ტრანსპორტირება				
N	დასახელება	რაოდენობა	ერთეულის ფასი	საერთო ფასი	
1	სასტუმროდან სსიპ - ქალაქ თბილისის 60 საჯარო სკოლამდე (ვაკე-საბურთალო, ალ. ყაზბეგის გამზ. N 39) და უკან სასტუმრომდე		23.6	141.6	
2	სასტუმროდან სსიპ - ქალაქ თბილისის 84 საჯარო სკოლამდე (ძველი თბილისი, წურწუმიას ქ. 17) და უკან სასტუმრომდე		35.4	212.4	
3	სასტუმროდან სსიპ - ქალაქ თბილისის 108 საჯარო სკოლამდე (ისანი-სამგორი, შუამთის ქ. 20) და უკან სასტუმრომდე		35.4	212.4	
4	სასტუმროდან სსიპ - ქალაქ თბილისის 130 საჯარო სკოლამდე (დიდუბე-ჩუღურეთი, დიღმის მას. IV კვ) და უკან სასტუმრომდე	6	35.4	212.4	
5	სასტუმროდან სსიპ - ქალაქ თბილისის №198 საჯარო სკოლამდე (ვაკე-საბურთალო, შარტავას ქ. 20) და უკან სასტუმრომდე		23.6	141.6	
6	სასტუმროდან სსიპ - ვაჟა-ფშაველას სახელობის ქალაქ თბილისის 87 საჯარო სკოლამდე (ისანი- სამგორი, ქეთევან წამებულის ქ. №90-ა) და უკან სასტუმრომდე		35.4	212.4	
7	სასტუმროდან სსიპ - ქალაქ თბილისის №67 საჯარო სკოლამდე (ძველი თბილისი, ლესელიძის ქ. 25) და უკან სასტუმრომდე		35.4	212.4	

8	სასტუმროდან სსიპ - ქალაქ თბილისის N45 საჯარო სკოლამდე (გლდანი- წაძალადევი, დავით სარაჯიშვილის N25) და უკან სასტუმრომდე		35.4	212.4
		ჯამი:	1557.6	
		სულ:	22797.6	

მხარეთა ხელმოწერები

შემსყიდვები:

მიმწოდებელი:

სსიპ – მასწავლებელთა პროფესიული

შპს „სიმპათია“

განვითარების ეროვნული ცენტრი

ბერივა შუკავიძე

ილია გეთაშვილი

დირექტორი

დირექტორის მინდობილი პირი

